

特約撰述 香港新界風土名勝大觀 江山故人

(七五二) (禁止轉載)

第二章 南部寫真

(十六) 牛頭角

立於香島之濱，而遙望九龍灣東岸，則見有大小山各一。其脈皆出自赤網嶺而東南行者，凡三英里。至鯉魚門與砲台山會（英名惡魔山，高七二四英尺）。山勢成巒，狀甚柔和。如大風起時初動之海波。大者曰蛾眉山，亦稱大排山。英名井欄樹山。高一三六七英尺。小者曰東澳山。英名黑山。高九九五英尺。兩山盤踞約六英里。伸出新界大陸之東南。成一半島。西有九龍灣。

東有將軍澳灣。面積稍大於九龍半島也。臨於其西岸者，有牛頭角舢舨仔鵝寮大官當西草灣鰲家井茶果嶺小官當三家村鯉魚門等地。中以牛頭角茶果嶺鯉魚門三處為較著名。由九龍城坪石沿岸至鯉魚門，需時一點四十五分也。牛頭角去九龍城至近，由坪石起行，過鵬記茶室厦門淘化大同罐頭公司及牛皮廠而抵村前。需半小時。村居倚山臨海。山曰牛頭角山。高三八九英尺。蛾眉山之支脈也。居民三百餘。皆雜姓。李吳二氏居此最久。建

圍村西。聚族而處。各有七八家。迄今百餘年矣。又有小市集。小屋對立，共三十餘間。有儀和大生恒豐裕四間雜貨店。厚安木店。及富來居茶室等。所營商業。顧客多屬漁人。村民則以種菜為業。或出海濱摸蜆。生活平凡耳。村東設有養智學校。該處僅有之教育機關也。由此東行不遠。是為舢舨仔及鰲寮。居民不過十餘家。其地亦屬牛頭角者也。

(十七) 西草灣

由牛頭角東行。復折而南。成一海灣。統名曰大官當。西草灣即大官當南之一小灣也。是村原有黃姓等居民廿餘家。近以港政府在其西填海約半英里。展拓所及。幾盡他徙。今存二三家耳。沿海築堤。堤內田畝。荒蕪殆盡。其南有天后宮。亦破落荒廢久矣。其門有光緒十七年辛卯重修時羅夢錫所書天后宮三字。聯曰。母儀堪配地。水德可參天。廟內仍有光緒十八年及十九年所題之海國慈航與恩波共沐兩匾。左為公所。右為義學。其左鄰即為承辦填海之和興建造公司也。

(未完)